

## Ewangelijo Podug Śwytntego Łukasza,

Łk 2,1-14

1 Tym casie wyszoł dekret Cezara Augusta, coby spisać ludzi w cołkim państwie.

2 Tyn pjrszy spis łostoł zrobjony przez namiystnika Syrii, Cyryna.

3 I szol koždy, coby sie dać zapisać, koždy do swojigo miasta.

4 Poszoł tys i Józef z Galileje, z mjasta Nazaryt do Judeje, do mjasta Dawida, mjanuwanego Betlejem, bo boł ze domu i pokolenia Dawida,

5 coby sie dać zapisać ze Maryjom, zaślubjonom swojom, ftoro była przy nadzieji.

6 Kej tam przišli, nadszoł cas dlo Maryji na łozwjonzanie,

7 i urodziła swojigo piyrworodnego Synka, i łowinyła go w pieluchy i położyła we złobje, bo niy było dlo nich placu we gospodzie.

8 A w ty samy łokolicy byli pastyrze i czimali straż nocno nad swojom czodom,

9 i naraz anioł Pański stanoł przy nich, i jasność Boża zewszond jich łoswjyciła, tak że fes sie zlynkli.

10 I pedzioł jym anioł: Niy lynkejcie sie; bo godom wom srogo uciecha,

11 ftoro bydzie uciechom cołkiego ludu, bo sie wom dzisioj we mjeście Dawida, urodziol Zbawiciel, ftorem jes Chrystus Pan.

12 A to bydzie znak dlo was: Znojdziecie Dzieciątko łowinione we pieluchy, co bydzie leżało w złobje.

13 I narozki pokoząta sie ze aniołem fes srogo liczba zastympow niybjeskich, ftore kwolyły Boga godajonc:

14 Chwąta na wysokości Bogu, a na ziymi pokoj ludziom dobry woli.